

مسائل فقهیه

۱۳۲۶

در سعادته یکی پوسته خانه قاروشونده
دائرة مخصوصه در
عمل اداره:

مسئله موافق آثار جدید مع المیزانیه قول اولی
درج ایدیلین آثار اعاده اولی

دین، فلسفه، ادبیات، حقوق و علوم دین باحث هفته لقی رساله در

در سعادته نسخه سی ۵۰ باره در

قیرلده دن مقوا بورو ایله کوندریلیرسه سنوی
۲۰ غروش فضله آلنیر.

در سعادته پوسته ایله کوندریلیرسه ولایات بدلی اخذ اولنور.

تاریخ تاسیسی:

۱۱ نموز ۳۲۴

مؤسسلری: ابوالعلا زین العابدین - ح. اشرف ندیم

سنه لکی القایلی

۳۵ ۶۵

۵۰ ۹۰

۵۰ ۹۰

در سعادته

ولایاتده

ممالک اجنبیهده

غروشدر

عدد: ۱۸

۳۲۶ ذی القعدة ۳۰ پنجشنبه ۱۱ کانون اول ۳۲۴

برنجی سنه

اصول مشروطیت دایمده خصمای ملتک اعتراضاته

قارشی مذاقده محقه

مقاله سالفدمزده تفصیل اولندیفی اوزره جناب رسالتاب
افندمزه خطاباً شرفورود ایدن « وشاورهم فی الامر » نص جلیلی
ظاهرینه محمول اولورسه بالعباره حضرت رسول اکرم وبالذلاله
بوتون افراد امت حقنده استشاره نك ، لدی الايجاب هر قضیهده
شورایه مراجعتك وجوبی قطعیاً مفید اولور .
« انتم اعرف بامر دنیا کم وانا اعلم بامر دینکم »
حدیث شریفله بواحدال تأید ایتمکده در .

فقط اکثر تفاسیرده مذکور « ان الله ورسوله لغیان عن المشورة
ولكن الله جعلها رجة لامتی وسنة الى يوم القيامة » حدیث شریفك
صحتی ثابت اولورسه ، نص مذکور « یا ایها الذی انق الله » قول کریمی
[۱] کی اتمه امر وایجاب مراد اولدیفی حالده لاجل التاكید نبی
ذیشان افندمزه توجیه خطاب صوریله ورود ایتمشدر . دینك اقتضا
ایدر . وبو تقدیره کوره استدلال بر قاندها اکتساب وضوح ایتمش
اولور . هر حالده استدلال واقعه قارشی مناقشهیه یلتمك جهالت ایله
سوء نیتدن باشقه بر شیئه مستند دکدر . [۲]

[۱] چونکه ارتکاب معصیت شانندن اولیان نبی ذی شان ، معصومیتی امر قطعی
بولنان ذات رسالتیهایه دایر اقتضای شریفی معنای ظاهرییه حمل اولنه ماز .
بلکه کتب بلافتده « لئن اشرکت لیحبطن مملک » نص کریمی حقنده توضیح
اولونان تعریض معنای مستعمل اولدیفی آشکاردر .

[۲] شواکی حدیث مروینك مرثیه ثبوتلری تحقیق ایله احتمالنك برنجی
دیگرینه ترجیح ایتك بمقامه عابد دکدر . بزم بوزاده وظیفه من هراحتاله کوره
استدلال مذکورك صحتی ایضاحدن عبارتدر .

بعض جهلای انام دخی افراد مسلمینك ملل سائره افرادیه معاملات
دوستانده بولنلری تجویز ایتبورلر . حسن معاشرت کی فضائل انسانیه نك
اك كزیده سنی دیانت اسلامییه مغایر کویسترمکه چالیشیورلر . دیورلرکه:
— مسلمانلر حقنده دینداشلی اولمیانلردن ولی اتخاذا منهی عنه و حرامدر .
قرآن کریمده « یا ایها الذین آمنوا لاتتخذوا الیهود و النصارى اولیاء »
بیورلشددر . « ولی » ایسه دوستلق ایتك ، صیانتکار اوللق معناسنه
« ولایت » دن مشتقدر . مؤمنلرک یهود و نصارادن ولی اتخاذا ایتلمری
امر مشروع اولمیانجه علی الاطلاق دین و مذهبجه کندیلرینه مخالف
بولونان کیسهلر ایله دوست اولماملری ، انلرک منقعلرینه دلالت
ایتمه ملری لازم کلیر . بلکه ادیان سائره اصحابندن هیچ بر خیر و منفعت
بکله مملری ، ذره قدر امن و اعتماد ایتیه رك داغما نظر عداوتله باقلری
اقتضا ایدر .

غایت افراط پرستانه اولان بواذا سائقه جهل و تعصبه من القدیم
اورتیه آتیش ، ایقاع فتنه مقصد ملتکارانه سیله دور جلیل حریتدهده
ترویجسته جهل ایدلکده اولدیفی تحقیق ایتمشدر . حالبوکه ارباب علم
و معرفت نظرنده بطلان و فسادى امر آشکاردر . شاهراه اسلامیه سالک
اولانلرک جمیع ناسه ، بوتون افراد بشریه قارشی بذل جود و مرحمت ،
محافظه احکام معدلت خصوصنه فناکارانه صورتله سعی و اهتمام ایتلمری
وصایای عالیة قرآنیه دن اولدیفی قابل انکار دکدر ، بوابده وارد اولان
آیات و احادیث بی نهایه در . [بر قسمی خاتمه مقاله مزده ایراد و ایضاح
اولنه حق] .

بناءً علیه مسلمانلرک ملل سائره افرادیه عقد ولایت ایتلمری
و تحریمه دایر آیات جلیله دن مقصد عالی - ارباب جهل و طغیانك زعم
فاسدلری کی - غیر مسلملره هر خصوصه غیظ و عداوت و عنف

وخشونتله معامله ایتک ، بنی آدمک حقوقه تجاوزله ضرر لرینی اتزام ایتک توصیه سی اولمیه جنی ذره قدر شبهه قبول ایدن موادین دکادر . ولایت غیر مشروعه علی الاطلاق مودت و محبت و حسن معاشرت کی یوازم معقوله انسانیتدن عبارت اوله ماز .

بلکه عصر سعادت پیامبریده منافق لک یابدینی کی اعدای مسلمینه میل و التحاقله اسرار مهمدی کندیلرینه اخبار و انلرک آرزو و آمانی منافع اسلامیه ترجیح و ایشاردن عبارتدرکه استعید بالله «لایخذ المؤمنون الکافرین اولیاء من دون المؤمنین ومن یفعل ذلک فلیس من الله فی شیء» نص جلیلندن بو حقیقت کال وضوحله اکلا شلمقده در .

معنای شریفی : « مؤمنلر دیندا شلرینی ترک و تجاوزله ارباب کفر و محدودی ولی اتخاذا یتمسکونلر . بونی یاپانلر ، منافع اسلامیه دی اخلاصه ساعی اولانلره یاردم ایدنلر الله تعالی نلک دین حقندن حائز نصیب اوله مازلر . مؤدای نظمک بوندن عبارت اولمسنه روایت آنیه ده دلالت ایتمکده در : (نزات فی المناقین عبدالله بن ابی واصحابه کانوا یتولون الیهود و المشرکین ویأتونهم بالاخبار و یرجون ان یكون لهم الظفر علی رسول الله صلی الله علیه و سلم)

یعنی بو آیت جلیله منافقین زمره سی عبدالله بن ابی و قرناسی حقنده نازل اولمشدرکه مرقوملر طائفه یهود و مشرک لری تولى و اتزام ایله سرار احوال مسایینی اخبار ایدرلر ، محض تجسس مقصدیله آرا لرنده بولونورلر ، بو غرض فاسدایله کسوة اسلامیه بورونورلردی و اعدای دینک حضرت رسول اکرمه غلبه و مظفریتلرینی تأمینه چالشیلردی . ایشته مؤمنلر بومقوله احوال مفسد تکارانه دن نهی بیورلشدرلر .

آیت جلیله نلک سبب نزولی حقنده بر روایت ده اواردر . فقط بوکا کوره ده اساس معنی تغیر ایتمز .

« اهالی مدینه دن بر قاج کیسه لر یهودیلرک بعض ارباب فسادی ایله دوشوب قالمغه ، آنلر ایله صمیمیت پیدا ایتمکه باشلامشدردی . رفاعة بن منذر و عبدالله بن جبیر کی اخوان دینلری طرفندن « بومقوله کسانله بودرجه مقارنت ایی برشی دکادر . بومفسدلر سزی دینکزدن چیقاریرلر . فتنه عظیمیه ایقاع ایدرلر » یولو ویریلن نصیحتک تأثیر ایتمه سی اوزرینه آیت مذکوره بونلری ارشاد ایچون نازل اولمشدر » بوروایت ابن عباس رضی الله عنهما حضرتلرینه نسبت ایدلمکده در . بو تفسیره کوره عقیده اسلامیه سی پرک و محکم اولمیان شبان اسلامک دین مبین علینده بولونانلر ایله مخالطه و مصاحبه لری جائز اولمادیغنه دلالت ایدر .

[بو افاداتمزدن مستثبان اولورکه قرآن کریمی صورت صحیحده تفسیر ایدمیلک ایچون اسباب نزوله وقوف شرطدر .

« فصول التیسیر فی اصول التفسیر » نام اثر مزده توضیح ایدلدیکی اوزره بر سورده ویا آیتک سبب نزولی اولان قصیده اطلاع حاصل اولدقده فوائد عریده استحصال اولدور . فقط آنلرک اک مهمی فهم معانی قرآندر . امام واحدی رحمه الله دیعشلردرکه سبب نزوله اطلاع

حاصل اولمادیجه قرآن کریمک تفسیری طوغری اوله ماز . چونکه بعضاً مدلول کلامک عموم و شمولی ، بعضاً ده بر قید و تعیرک وجودی خلاف مقصودی موهم اوله بیلیرله . بومدعی تنویر ایچون اوراده امثله کثیره ایراد ایدلمشدر . ایکی دانه سنی بوراده ذکر ایدم : (۱) « فایما تولوا فثم وجه الله » نظم شریفک مدلول ظاهر یسنه نظر اولدقده [۱] مصلی حقنده استقبال قبله شرطی معتبر اولماق توهم ایدیله بیلیر . اما سبب نزوله اطلاع حاصل اولونجه آیت مذکوره نلک حکمی ادای صلاتدن صوکر اعدم اصابتی تبیین ایدن متحرینک یا خود دابه اوزرنده صلات ایله اشتغال ایدن مسافرک نمازی حقنده اولدینی معلوم اولور . جهت قبله متعین اولوب ده استقباله مانع شرعی بولمادیغنی تقدیرده « فول وجهک شطر المسجد الحرام » نص جلیله اتباع اولنق لازمدر . آیت سالفه نلک سبب نزولی حقنده بر قاج روایت واردر . امام ترمذینک عامر بن ربیع حضرتلرندن روایتنه کوره بر غزاده اصحاب کرامدن بعض ذوات اثنای لیلده ادای صلات صره سنده قبله یی تعیین باینده اختلاف ایتشلر . بعدالتحری هر بری بر جانب طوغری نماز قیلهرق ایرتسی کون نقل ماجری ایله رسول اکرم افندمزدن استفادده بولنشلرده جواباً آیت جلیله شرف نزول ایتمش . دیگر بر روایتنه کوره ده دابه اوزرنده نماز قلنق مشروعتنی بیان مقامنده نازل اولمشدرکه بوکا دائر عبدالله بن عمر « رضی » حضرتلرندن مروی بر حدیث واردر . تحقیق مقام اثر مذکوره درج اولنمشدر .

مابعدی وار

مناسرتی اسماعیل صفی

نجائب قرآنیہ

سوره مائده : آیت - ۷

« .. ما یرید الله لیجمل علیکم من حرج ولکن یرید لیطهرکم ولیم نعمته علیکم لعلکم تشکرون »

[حق جل و علا حضرتلری صدر آیتده بیان بیورلدینی وجه اوزره طهارت ایله امر ایتدکن صکره بیوربورکه [الله] بونی [سزه کوچلک و یرمک ایچون مراد ایتمز ولکن سزی تطهیر و تنظیف و سزه اولان نعمتی] سزک ابدانکزی تطهیر ایدن شیلری تشریع ایتک صورتیه] اتمام ایچون مراد ایدر . [سز بورالینی تأمل و ملاحظه ایدوب ذات اجل اعلانک لطف و کرمنه] بلکه تشکر ایدر سزکز .

آیت کریمده واقع « یرید » نلک ایکی محله ده مفعولی مجذوفدر . لام حرفی ده تعلیل ایچوندر . « لعل » کلمه سندن مقصود اولان معنی « یا ایها الناس اعبدوا ربکم » آیت کریمه سنک تفسیرنده بر تفصیل بیان ایدلمش ایدی . طهارت : لغته مطلقاً نظافت معنا سنده در . شرعه ده : حدث و خبشیدن

[۱] آیت کریمه نلک وارد خاطر اوله حق معنای عملی : سز نه جانبه تولیه وجه ایدر سه کز جناب الهک امر ایتدیکی جهت اوراده متحققدر .